

**AWIG AWIG
DESA ADAT TEMAKUNG**



**KECAMATAN KUBU
KABUPATEN KARANGASEM
TAHUN 2021**

PIDAGING
MAKA BANTANG AWIG-AWIG DESA ADAT

MURDHA CITTA

SARGA I ARAN LAN WEWIDANGAN DESA

SARGA II PATITIS LAN TATUJON

SARGA III SUKERTA TATA PAKRAMAN

Palet 1 Indik Kerama.....	2
Palet 2 Indik Prajuru Desa	11
Palet 3 Indik Paruman Ian Sangkep.....	14
Palet 4 Indik Sekeha.....	15
Palet 5 Indik KulkuI	17
Palet 6 Indik Druwen Desa	19
Palet 7 Indik Sukertan Pamitegep	
Palet 1 Karang, Tegal Ian Bangket	20
Palet 2 Kakayonan.....	21
Palet 3 Wawangunan	22
Palet 4 Wawalungan	23
Palet 5 Bhaya.....	24
Palet 6 Panyanggran Banjar	25

SARGA IV SUKERTA TATA AGAM A

Palet 1 Indik Dewa Yadnya	25
Palet 2 Indik Resi Yadnya.....	31
Palet 3 Indik Pitra Yadnya	32
Palet 4 Indik Manusa Yadnya	35
Palet 5 Indik Buta Yadnya.....	36

SARGA V SUKERTA TATA PAWONGAN

Palet 1 Indik Pawiwahan	37
Palet 2 Indik Nyapian	39
Palet 3 Indik Sentana.....	40
Palet 4 Indik Warisan	41

SARGA VI WICARA LAN PAMIDANDA

Palet 1 Indik Wicara	44
Palet 2 Indik Pamidanda	44
NGUWAH-NGUWUHIN AWIG-AWIG.....	46

SARGA VII PAMUPUT

MURDA CITA

Om Swastyastu

Saking asung kerta wara nugraha Ida Sang Hyang Widhi Wasa, malarapan gilik saguluk saha cita nirmala punika wastu sida kasurat awig-awig Desa TEMAKUNG puniki.

Awig-awig gumanti pinaka bungkah pamikukuh Desa Adat sajeroning midabdabin kalih nyanggra kasukertan krama desa rawuhing kulawarga pawongan. Saha melarapan antuk darma prewertinia ngerajegang Sang Hyang Aji Agama manut dresta.

Sejawaning dresta inucap, pamekas Pancasila, Undang-Undang Dasar 1945, tata titi miwah adnyad Sang rumaga guru wisesa tan kelempasin antuk awig-awig puniki.

Mogi wastu sida mikolihang kasukertan inanut ring patitisnyane.

Om Canti, Canti, Canti Om.

SARGA I

ARAN LAN WEWIDANGAN DESA

Pawos I

- 1) Desa Adat puniki mewasta Desa Adat TEMAKUNG.
- 2) Wewidangan Desa Adat TEMAKUNG puniki ngawengku
 - a. Pura-pura
 1. Kahyangan Tiga.
 2. Kahyangan Paruman.
 3. Pura Dadia utawi druwen warga.
 4. Pura Paibon.
 - b. Pekarangan Desa utawi Banjar lan telajakannia.
 - c. Tanah Pekarangan,lan tegal.
 - d. Marga lan rurung.
 - e. Pangkung utawi tukad.
 - f. Setra luwire setra Gede kaje kauh, Setra Alit, lan setra Tondan

Pawos 2

- (1) Desa Adat TEMAKUNG puniki ngewidangin satu banjar, inggih punika banjar TEMAKUNG.
- (2) Wewidangan inucap ring ajeng mewasta nyatur sekadi ring sor
 - a. Wates sisi Kidul : Desa Adat Cut-cut.
 - b. Wates sisi Kulon : Desa Adat Darmaji.
 - c. Wates sisi Lor : Desa Adat Jatituhu.
 - d. Wates sisi Wetan : Desa Adat Perasan.
- (3) Wewidangan Desa Adat TEMAKUNG punika kegenahin antuk
 - a. Krama Desa luwire krama ngarep, krama pangele.
 - b. Krama Tamiu

SARGA II

PETITIS LAN PEMIKUKUH

Pawos 3

Desa Adat TEMAKUNG ngemanggehang dasar

- a. Pancasila sekadi munggah ring Pembukaan Undang-Undang Dasar Warsa 1945
- b. Tri Hita Karana manut ring tatwaning Buwana Agung.
- c. Undang-Undang Dasar Republik Indonesia Warsa 1945 ping ajeng mania ring pasal 18.

Pawos 4

Petitris Desa Adat TEMAKUNG puniki kesurat sekadi ring sor

- a. Mapikukuh miwah ngerajegang Sang Hyang Agama.
- b. Nginggilang tata prawerti meagama.
- c. Ngerajegang kasukertaning Desa, Krama, lan pawongan nyane sami sekala lan niskala.

SARGA III

SUKERTA TATA PEKRAMAN

PALET I

INDIK KERAMA

Pawos 5

- 1) Nian tingkahing kerama Desa Adat TEMAKUNG, inggih sehananning wong sane jumenek ring wewidangan Desa Adat TEMAKUNG tur satinut ring daging Awig-awig Desa Adat TEMAKUNG, wiadin pemargin kerama Desa Adat TEMAKUNG.
- 2) Sane kebawos kerama Desa Adat TEMAKUNG inggih punika sane sampun alaki rabi, ngemong Tanah Ayahan, karang desa, wiadin tan ngemong karang, nyungsung Kahyangan Tiga, tur satinut ring daging Awig-awig Desa Adat TEMAKUNG.
- 3) Sane mawed saking Desa Adat TEMAKUNG, sakewanten magenah ring jaba Desa melarapan antuk ngerereh pengupajiwa, dados kantun mekrama Desa Adat

TEMAKUNG, sakewanten swadarmannya pateh skadi karma sane magenah ring Desa Adat TEMAKUNG.

- 4) Yan wenten wong Desa Adat TEMAKUNG sane matilar genah tur riwekas ritatkala ipun mewali mapakayun Karang ngewangun karya ala wiadin ayu, sakewanten Ragan ipun patut keni pangepok 200 kg beras.
- 5) Yan riwekas prade wenten Krama anyar jagi jumenek ring Desa Adat TEMAKUNG patut:
 - a. Yan sadurung tigang warsa magenah ring desa siosan patut krama inucap naur pengapok 100 kg beras.
- 6) Yan tan manut sekadi bawos inucap ring ajeng, utawi tan naur jinah pmlagaan ngantos ping 3 (tiga), sang melaga inucap wenang kapengingang wekasan yan ipun mewali budal, malih jaga nganutin mekrama banjar / Desa Adat TEMAKUNG kepatutang keni pamidanda:
 - a. 100 kg beras
 - b. 3 (Tigang) Pengerengo (petikel). (300 kg beras)
- 7) Yan anak saking dura desa nenten meagama Hindu jemenek ring Desa Adat TEMAKUNG
 - a. Tan kelugra tedun makrama desa.
 - b. Yan wenten kesedaan tan kelugra nganggen setra adat TEMAKUNG.
- 8) Sehananing krama Desa Ada TEMAKUNG,siosan sane dados Prajuru, yan sampun medue oka lanang wiadin isiri sampun mayusa 13 (telulas) warsa. Sedurung alaki rabi patut ngeranjing ring seka Teruna-Teruni.

Pawos 6

- 1) Yan wenten anak saking dura desa madunungan ring sawengkon Desa Adat TEMAKUNG, sang kadunungan patut mesadok ring Klian Desa Adat, Kerta Desa, Sabha Desa lan ring Kepala Dusun.

- 2) Yan wenten krama sampun alaki rabi, sampun tutug mabyakaon/mekala-kalaan lan sampun kesaksiang olih Prajuru, patut tedun mekrama desa, tur nganutin dresta Desa Adat TEMAKUNG.

Pawos (7)

- 1) Malih yan wenten I Krama Desa Adat TEMAKUNG sinalih tunggil pacang matimbang wiadin ngadol tanah kasugian sane kantun ring wawidangan Desa Adat TEMAKUNG. kapatutang mesadok ring Klian Banjar, tur kelanturang ring Klian Desa Adat, pacang ketambyakang ring krama banjar, utawi ring krama Desa Adat, sang sapasira sinalih tunggil pacang mapakayun nimbali utawi numbas kawentenang sekadi inucap ring ajeng, selanturnyane yan tan wenten pacang nimbali wiadin numbas wawu katimbang utawi keadol ring anak siosan.
- 2) Yan wenten anak saking dura desa numbas karang ring sajeroning wewengkon Desa Adat TEMAKUNG, sane kedue antuk krama, patut keni panukun pewartungan 4% saking harga karang punika. tur patut ketaur nyabran rahina Buda Kliwon rikala ngewentenang Paruman /Pesangkepan, lan sang numbas karang punika raris pacang tedun mekrama Desa Adat TEMAKUNG.

Pawos 8

Yan wenten Krama Desa Adat TEMAKUNG madue oka lanang lintangan ring adiri,wekasan yan sampun okane sami medue rabi, sane pinih alit wenang nyundul reramannyane, tur Reramanipun kedadosang Krama Luputan utawi (NYADA)

Pawos 9

- 1) Nanging sane wawu tedun makrama desa/banjar adat patut naur jinah panukun pipil lan penutug kesugihan sane merupa jinah ring banjar wiadin ring Desa Adat TEMAKUNG.

Pawos 10

- 1) Riwekas wenten sinalih tunggil I Krama Desa Adat TEMAKUNG, pacang wusan mekrama Desa Adat, sangkaning rahayu utawi tan rahayu pateh tan polih eduman kesugihan miwah pepayonan, nanging yan maduwe utang patut ketawur dumun.
- 2) Wekasan yan malih mewali pacang tedun mekrama Desa Adat TEMAKUNG wiadin tedun mebanjar sane wusan sangkaning tan rahayu punika patut keni pamidanda luwire
 - a. Manut pawos ring Pawos 5. Wiwit no (6,b)

Sowang-sowang danda inucap geng arta 550 (limang atus seket) jinah bolong.

Pawos 11

- 1) Malih yan indik karya wenang nunas karya utawi geгаen ping 7 (pitu).

Pawos 12

- 1) Yan tingkahing pacang mapawangun karya ngaben (Atiwa-tiwa) patut mesadok ring Kliian Banjar muwah ring Kliian Desa Adat TEMAKUNG.
- 2) Yan wenten krama Desa Adat TEMAKUNG, Tuningal pacang ngaben prade nyarengang sawa saking jaba desa, patut keni penanjung batu lan panukun setra 50 kg beras, ngeranjingang ke Desa Adat TEMAKUNG
- 3) Tingkahing pacang mapewangun ngaben masa,ring Desa Adat TEMAKUNG wates ipun wantah 5 (Limang) warsa apisan.
- 4) Yan prade wenten krama ngaben masa, tur pemargine ngirang langkung ring adiri. nanging padewasane sinarengan, patut patus punika kaepah manut kawentenannya keramane ngaben.

Pawos 13

Tingkahing pacang ngaben dadakan inggih punika:

- 1) Yan wenten sinalih tunggil i krama Desa Adat TEMAKUNG jagi nguwangun karya ngaben dadakan wenang mesadok ring Klian banjar, lan Klian Desa.
- 2) Malih indik pagebagan sang maduwe karya wantah polih ping pitu ngawit saking layone sampun mabersih.

Pawos 14

Malih yan wenten i krama Desa Adat TEMAKUNG sinalih tunggil kelampusan pacang mapendem pemargine luwire;

- a. Patut mesadok ring Klian Desa Adat, utawi ring Klian Banjar Adat TEMAKUNG indik kelampusan punika.
- b. Patut Klian Desa Adat ngerauhang ring klian banjar indik wewedalan pasukadukan marupa beras 1 kg.
- c. Malih tingkahing panuduk pepeson pasukadukan patut kelaksanayang oleh klian banjar
- d. Yan indik panuduk jinah pasukadukan punika patut kadudukan ring genah sang kelampusan mapendem manut daging pasuara Prajuru Desa Adat TEMAKUNG.

Pawos 15

Pidabdab indik ngewangun karya pitra yadnya:

- a. Indik ngaben masa utawi ngaben dadakan memarginyane sekadi patut, nanging penyanggra ring mapitulung wantah kangkat antuk sedah lan lanjaran sane pinih kincit.
- b. Malih yan sampun tedun molahan wawu kangkat keaturin wedang lan reruntutannya.
- c. Malih yan indik penyanggra i krama Desa Adat utawi banjar ritatkala ngaben dadakan rikenjekan layone utawi sawene pacang ka setra, Klian banjar patut nyuwarayang kulkul, tur indik penyacak i krama banjar kawentenang wantah. ring setra sesampune usan mendem.

Pawos 16

Puniki tingkahing sane kepatutang sampun dados ngayahang desa luwire:

- a. Sampun alaki rabi utawi sampun marep mekrama banjar miwah Desa Adat.
- b. Sampun deha miwah teruna luwire:
 1. Sane deha sampun mayusa 16 (enem belas) warsa.
 2. Sane teruna sampun mayusa 17 (pitulas) warsa.
- c. Tingkahing deha lan Teruna dados tedun ngayahang banjar wiadin Desa Adat mejalaran antuk:
 1. Sang maduwe oka utawi kepatutan patut masadok ring Klian banjar tur I Klian banjar nureksain daging pesadok punika.
 2. Selanlurnya klian banjar ngrauhang ring klian adat indik kawentenan sekadi ring ajeng.
 3. Klian Desa Adat TEMAKUNG wenang nyihnayang indik deha lan teruna sane sampun dados tedun ngayahang banjar wiadin Desa Adat marep ring i krama Desa Adat TEMAKUNG.

Pawos 17

Kawentenan saya wantah ring banjar utawi ring pura-pura saya tempek;

- a. Swadarmaning saya tempek:
 1. Ngemargiang saluwiring arah-arah sane kapituduh saking Klian banjar utawi Klian Pura.
 2. Ngemedalang banten canang ring sangkepan ritatkala pacang nimbalang dados saya tempek.
 3. Saya arah ritatkala ngemargiang arah-arah tan kengin mapituduh ring anak sane durung dados tedun ngayah, wiadin tan wenang ngerauhang arah-arah ring anak alit wiadin sane durung dados tedun ngayah.
 4. Ritatkala isaya tempek ngemargiang arah-arah, yan sang kearahin utawi keluarganya sane patut kearahin tan wenten ring jero, sang pengarah wenang makeni sawen, maka cihna sampun ngerauhang arah-arah.
 5. Yan memurug kedanda 25 kg beras.

Pawos 18

Tingkahing pacang ngaturang ayah ring sang wiku utawi sang Angawa Rat patut kesanggra olih I Desa Adat TEMAKUNG, indik penyanggran karyane wantah katur ring Ida Sang Wiku ring Geria sowang-sowang. Indik ngaturang ayah wiadin punia ring Ida Sang Angawa Rat (Dalem) ring Karangasem taler patut kesanggra antuk I Krama Desa Adat TEMAKUNG.

Pawos 19

- 1) Malih yan I Krama Desa Adat TEMAKUNG maduwe oka lanang utawi istri muwah roban sane patut keranjingang masekolah, kepatutang Sekolah Dasar mangda tamat.

Pawos 20

Malih yan i krama Desa Adat TEMAKUNG sampun alaki rabi patut ngemiletin sane mewasta KB/ "Keluarga Berencana". tetujon Guru Wisesa.

Palet 2

INDIK PRAJURU

Pawos 21

- 1) Desa Adat wiadin banjar sane wenten ring wewengkon Desa Adat TEMAKUNG kapidabdab tur kamargiang antuk prejuru.
- 2) Sane kasinanggeh prajuru;
 - a. Klian Desa Adat.
 - b. Penyarikan.
 - c. Juru Raksa.
 - d. Klian Banjar.

Pawos 22

Tata cara pacang dados Klian Desa Adat, wiadin Klian Banjar TEMAKUNG;

- a. Gumanti krama mawed saking Desa Adat utawi Banjar TEMAKUNG.
- b. Sampun kabawos manut pacang ngemargiang dados Klian Desa Adat utawi
- c. Klian Banjar kirang langkung mayusa 30 (tigang dasa) warsa.
- d. Kasungkemin antuk i krama Desa Adat lan Banjar TEMAKUNG tur majalaran antuk pamineh sane becik.
- e. Tur matur piuning ring Kahyangan Tiga utawi ring panyungsungan banjar nunas asung wara nugraha Ida Sang Hyang Widhi Wasa, mangdene labda karya riwekas pacang ngemargiang awig-awig puniki.
- f. Wikan nyurat tur ngewacen aksara Bali utawi aksara Latin.
- g. Pendidikan sekirang kirangnyane minimal SD
- h. Sehat Jasmani lan Rohani.
- i. Nenten dados ketua ORMAS sane terlarang.
- j. Nyinayang Dewek ring Pura Kayangan Tiga.

Pawos 23

Kawanengan maka miwah senger dados Klian Desa Adat utawi Klian Banjar TEMAKUNG luwire:

- a. Ngawit saking kasungkemin olih i krama Desa Adat utawi banjar
- b. Mewanengan 5 (limang) warsa.
- c. Riwekas yan sampun tutug senger patut kaserahang tur mangde kawentenang pemilihan Klian Desa Adat wiadin Klian Banjar.
- d. Sang pecak sane ngambel Klian Desa Adat utawi Klian Banjar TEMAKUNG dados kepilih malih wantah malih kalih priode.

Pawos 24

- 1) Kawenangan prajuru patut ngenterang Krama Desa Adat manut ring daging awig-awig.
- 2) Para pemangku patut ngenterang amongannya ring kahyangan utawi ring pura-pura, lan patut kesanggra antuk Jero mangku istri lan prajuru istri
- 3) Pinaka duta Desa adat utawi Banjar Adat TEMAKUNG, pacang ngewentenang bebawos ring sapisira ugi.

Pawos 25

- 1) Yan wenten sinalih tunggil prajuru memurug ring daging Awig-awig, miwah ngelinyokin druwen desa wiadin banjar tur presida kabuktian kaiwangannya antuk i Krama, patut keni pamidanda nikel ring i Krama siosan, tur patut ngewaliang sehananing druwen Desa wiadin druwen Banjar saha kengin keraryanang dados Prajuru.
- 2) Indik ngraryanang Prajuru patut mejalaran antuk perarem.

Pawos 26

Leluputan lan olih-olihan Prajuru Desa Adat TEMAKUNG luire:

- a. Luputan Penaung rikala ngemargiang aci tabuh rah.
- b. Polih cecanangan saluwiring duman (pepalihan).
- c. Olih-olihan siosan manut perarem.
- d. Nenten dados Saya

Pawos 27

Prajuru kegentosin mejalaran antuk:

- a. Sampun tutug senger
- b. Kesedayan.
- e. Tan sida ngamargiang swadarmaning dados Prajuru.
- d. Sangkaning pinunas ngeraga lan
- e. sangkaning korupsi

Palet 3

Indik Paruman lan Sangkep

Pawos 28

- 1) Sangkep ring Desa Adat TEMAKUNG wiadin ring Banjar panemayannya sekadi ring sor
 - a. Pesangkepan Desa Adat lan Banjar Adat TEMAKUNG ring rahina Bude Kliwon, ngawit jam 09.00 ngantos puput jam 12.00.
 - b. Sangkep ring Desa Adat TEMAKUNG, ngesasih nemuning rahina Buda Kliwon, yan wenten sinalih tunggil i krama Desa Adat TEMAKUNG miwah banjar, sane tan naur sekadi sane inucap ring ajeng patut keni pamidanda panikel nanging dados ketaur malih asasih rikalaning pacang tedun sangkep.
- 2) Malih yan pacang ngawentenang paruman padgatakala, sadurunge patut ngawentenang arah-arah saking Klian Desa Adat wiadin Klian Banjar Adat TEMAKUNG, melarapan antuk i juru arah sane mewasta isaya tempek, utawi Sabha Desa, manut ring Krama Banjar..

Pawos 29

Sangkepan ring desa adat lan Banjar TEMAKUNG patut karawuhin olih i krama desa wiadin Krama Banjar tur manut sekadi ring sor;

- a. Melarapan antuk suara kulkul.
- b. Prasida kelaksanayang paruman utawi sangkepan risampune i Krama Desa adat wiadin I Krama Banjar, ketedunin antuk kalih pahtigaan saking Krama sane patut ngamiletin.
- c. Krama sane pacang ngamiletin peparuman wiadin sangkep patut mabusana adat Madya manut dresta.
- d. Tan maren ngastiti bakti ring Ida hyang Bagawan Panyarikan maka sarana antuk banten canang pengerawos.
- e. Ritatkala paruman wiadin sangkep tan kedadosang i Krama Desa Adat miwah i Krama Banjar TEMAKUNG, makta gegaman utawi sane siosan ngaranayang peparuman sangkepane tan sida memargi becik.
- f. Risampune wusan peparuman utawi pesangkepan, Krama sane ten rauh keni dosa manut perarem.
- g. Malih tingkahing nyacak, ritatkala mapaparuman wiadin pesangkepan, i Krama Desa Adat lan Banjar Adat patut malinggih. yan durung wusan i Klian Desa Adat utawi i Klian banjar nyacak, tan dados i krama sami metangi.
- h. Indik pamutus peparemane utawi bebawosane kausahayang mangda gilik saguluk, tan dados suarane sane akehan kasinanggeh pemutus,
- i. Putusan perarem punika sane patut kasungkemin antuk i Krama Desa adat lan i Krama Banjar sami, sane wenang kaanggen uger-uger geguet penganter ring Desa Adat utawi Banjar Adat TEMAKUNG.

Palet 4

Indik Sekehe

Pawos 30

Pangeling-eling indik Sekehe Gong:

- a. Ritatkala ngaci ring Kahyangan Tiga, sekehe Gong luput ring tedun paebatan kalih makemit.
- b. Ritatkala ngaci ring kahyangan Tiga nenten ngangge gong, i seke gong patut sareng ngaturang ayah Sesidan sidan.
- c. Ritatkalaning kaupah, mungguing upah punika kepah dados kalih, asiki ke desa adat, apah siki ke sekehe gong, mungguing kerusakania ketanggung olih desa adat TEMAKUNG.
- d. Ritatkala i krama desa adat ngedeng gong puniki kaiming keni Banten wantah apajati lan prayastita.

Sekehe Gong

Pawos 31

Pangeling-eling antuk reramon Gong:

- a. Rikala gong punika kaupah raris reramon punika rusak, pinelas pacang mecikang samian wantah i krama desa adat TEMAKUNG
- b. Pikolih kaupahan punika taler kepah kalih, asiki i sekehe gong, apah siki ring Desa Adat TEMAKUNG.
- c. Rikala mangge ring Desa Adat utawi ring banjar makarya banten sekadi mungguh ring sor
 1. Banten Pejatian lan Prayastita tumuli ngeranjing ring Seka Gong .

2. Yaning mangge ring Desa Adat kalih ring Banjar adat punika prade wenten kerusakan, kerusakan punika sami katanggung ring Desa Adat miwah banjar Adat TEMAKUNG.

Pawos 32

- a. Sekehe Teruna-teruni sane ngemong ayahan Desa TEMAKUNG manut dudonan.
- b. Indik tedun dados Sekehe Teruna-Teruni manut yusa.
- c. Teruna-Teruni kawenangania sewaka widia sastra ngawerdiang kauripania ring wekas.
- d. Prajuru mangda nitenin ring sajroning swadharmaning yohana.

Pawos 33

Sinalih tunggil wenten krama Hansip lanang utawi istri polih leluputan kadi

munggah ring sor

- a. Nenten sareng petedunan ring Pura.
- b. Rikala ngemargiang Aci ayahan istrine kemawon, rikala ngebatang sareng ngayah.
- c. Saluiring urunan tetep keni.
- d. Sinalih tunggil wenten ngentosin dados Hansip paluputan manut kadi munggah ring ajeng.

Palet 5

Indik Kukul

Pawos 34

- 1) Indik kawentenan kukul ring sawengkoning Desa Adat TEMAKUNG, utawi ring Banjar lan pura-pura Pedadiyan sekadi ring sor:

- a. Kukul Desa Adat TEMAKUNG.
 - b. Kukul Banjar Adat.
 - c. Kukul Subak.
 - d. Kukul ring Pura-pura.
 - e. Kukul ring soang-soang paumahan (poskamling).
- 2) Pamargi sane patut kacihnayang antuk swaran kukul luwire:
- a. Kukul Pajenengan patut kaswarayang ritatkala Betara tedun (ngiasin) ngantos katuran pangererebon, rikalaning ngaturang piodalan nanginin, miwah ritatkala Betara pacang masineb.
 - b. Kukul Desa Adat utawi Banjar kasuarayang ritatkala ngadakang peparuman/sangkep, miwah makarya saluiring karya;.

Pawos 35

Indik swaran kukul manut kawentenannyane luwire:

- a. Kukul Pajenengan swaran ipun alon tur masangsihan.
- b. Swaran Kukul pacang tedun makarya, saluwiring karya, sangkepan wiadin pacang ngadakang peparuman suarannyane atuludan sedeng.
- c. Swaran kukul ritatkala wenten kalampusan, suarannya atuludan alon sakewanten cutet.
- d. Ritatkalaning wenten kapancabayaan luwire, kapuunan, keni belabor, ampehang linus muwah sane siosan swaran ipun sedeng.
- e. Malih yan indik amuk, kabaak kamalingan swaran ipun bulus sakewanten cutet.
- f. Yan indik swaran kukul ring sowang-sowang paumahan surannnyane, manut ring tetiwak sang amawarat.

Pawos 36

- 1) Kukul sami sane wenten ring sawengkoning Desa Adat TEMAKUNG patut kasuarayang olih Kliannyane sowang-sowang, utawi sang sane kapituduh olih I Klian, wenang manut ring tetujonnya.
- 2) Yan wenten i krama sinalih tunggil keni ka pancabayaan, Krama inucap utawi Krama sane manggihin, sapituduhnya kayogya digelis nyuarayang kukul ring Desa Adat TEMAKUNG, tur patut nureksa majalaran tetujonnya.
- 3) Yan tan sadu ring Desa wiadin ring Banjar TEMAKUNG indik jalaran suaran kulkule sang nyuarayang patut keni pamidanda 50 kg beras.
- 4) Sapasira ugi krama sane nyuarayang kukul tan manut nganggen panggul kukul, minekadi (besi, barang lanying) patut keni pamidanda 25 kg beras.

Palet 6

Indik Drwen Desa

Pawos 37

Sane munggah druwen Desa Adat TEMAKUNG sekadi ring sor;

- a. Sehananing pelinggih pura rauhing wewangunan sedagingnia Pura Kahyangan Tiga lan Pura Paruman.
- b. Genah Wantilan Desa Adat TEMAKUNG rauhing wewangunan lan telajakannya.
- c. Sehananing genah Banjar rauhing wewangunan lan telajakannya.
- d. Tanah pekarangan desa (Tanah PKD) lan AYDS manut drestane sampun mamargi kasukserah ring i krama Desa Adat TEMAKUNG tur satinut ring daging awig-awig.
- e. Tanah Setra.
- f. Tanah telajakan druwen Desa.
- g. Druwen laba Desa ring sor Pura Puseh.
- h. Lembaga Perkridikan Desa (LPD).
- i. Gong akebyang, utawi abarung.

Pawos 38

1. Krama Desa Adat TEMAKUNG patut nitenin mraktiyaksayang druwen Desa.
2. Prade wenten druwen Desa Adat Satra sane ical sang sapisira sane memandung utawi memaling wenang keni pamidanda manut perarem saha ngewaliang pepandangan inucap.
3. Druwen Desa Adat sane ical utawi kepandung nanging tan wenten sane ngangken memandung, patut krama Desa Adat TEMAKUNG ngawentenang padewasaksian.
4. Piolih-olihan Desa Adat TEMAKUNG luih ipun:
 - a. Piolihan saking laba Pura lan druwen Desa Adat.
 - b. Urunan saking krama Desa Adat
 - c. Piolihan saking Guru Wisesa.
 - d. Piolih-olihan sane kasinanggeh patut.

Pawos 39

Indik pamiaran Setra TEMAKUNG.

- a. Wewidangan Setra patut kapiara utawi kebersihin setunggil ritatkala ngemargiang Upacara Pitra Yadnya.
- b. Yening wenten Krama Desa Adat TEMAKUNG, mendem ring Setra tan kedadosang mekarya gegumuk semen, wiadin bebetonan.

Palet 7 SUKERTAN PAMITEGEP

Kaping 1

Karang, Lan Tegal

Pawos 40

- 1) Tanah Pekarangan Desa utawi tanah paumahan sane tan mapipil patut keayahang.

- 2) Yan wenten sinalih tunggil i krama Desa Adat TEMAKUNG, pacang nimbang tanah pekarangan, patut ngemargiang wak-wakan saking warisanya tur polih pemutus olih prajuru Desa Adat TEMAKUNG manut pararem,
- 3) Sahananing wewilangan karang, lan tegal sane wenten ring wewidangan Desa Adat TEMAKUNG patut sekadi ring sor:
 - a. Wenten wates ipun.
 - b. Mapemedal ke rurung utawi ke margine tan wenang kabengbeng.
 - c. Karang patut kekaryanang (penguus toya).
- 4) Wates karang ring ajeng dados nganggen tembok, utawi nganggen pepagehan patut kekardinin olih sang madruwe karang .
- 5) Yan pacang mekarya jempeng. kandang wewalungan, miwah genah majejemuhan busana, tan wenang nampek ring parhyangan, merajan utawi pura. Paembang nyane paling akidik adepa agung.
- 6) Semalihe i Krama Desa Adat TEMAKUNG, tan kalugra ngalahlah tanah pekarangan miwah tegal padreben anak sios, punapi malih sane kadruwe antuk Banjar, Desa, linggih kahyangan, margi, setra, miwah sane siwosan.
- 7) Prade wenten i Krama Desa Adat TEMAKUNG, melaksana kadi ring ajeng wenang ketibakin pematut luwire:
 - a. Ngewaliang tanah sane kelalahang.
 - b. Ngewehin prebiya 50 kg beras.
- 8) Yening wenten telajakan karang patut kepiara antuk sang madruwe telajakan punika, pinih becik kedagingin tetanduran sane ngemedalang keasrian wewidangan Desa Adat TEMAKUNG..

Kaping 2

Kekayonan

Pawos 41

- 1) Yening wenten sinalih tunggil i Krama Desa Adat TEMAKUNG, nandur tanem tuwuh mededampingan ring genah pahyangan wiadin paumahan, paembang nyane saking penyengker patutnya paling kidik adepa agung.
- 2) Yening wenten kekayonan sane kapitahen pacang ngerauhang baya ring anak siwos luwire ngungkulin, akah ipun ngerusak tembok penyengker wiadin tembok wewangunan, kekayonan punika kangkat antuk karebah.
- 3) Prade yan mademang kekayonan punika ketawur olih sang maduwe taru inucap keserah ring sang medrebe tur kesaksinin prajuru Desa Adat TEMAKUNG..
- 4) Yening sang madruwe kekayonan punika tan ngaturin ngerebah, sang kekayonan wenang nunas pematut ring Prajuru Desa Adat TEMAKJUNG. Yan tan prasida puput, wenang katur ring sang amawarat.
- 5) Prade wenten karma Desa Adat TEMAKUNG, ngerebah taru ngantos ngrubuhin pekarangan wiadin pepayonan anak siosan, kepatut sang ngerebah sareng sang kapituduh mecikang tur ngupakarain pepayonan sane karubuhin punika.
- 6) Prade wenten tetanduran, carang ipun ngelimbak utawi ngelintangin ka pekarangan wiadin tegal anak siosan, wenang kesepatgantungin tur carang sane ngelintang punika, ketotor olih sang madruwe karang lan tegal sane kaungkulin olih carang punika.

- 7) Yen wenten krama Desa Adat TEMAKUNG, ngerebah taru pacang kaanggen mapawangun utawi ngadol patut ngerebah pangilikita ring prajuru Desa Adat TEMAKUNG:

Prade kapurug:

- a. Yan ngerebah taru larangan Desa Adat TEMAKUNG, utawi ngerebah taru ring tanah druwen Desa Adat TEMAKUNG, patut kakenenin danda antuk 25 kg beras tur taru inucap kedaut olih Desa Adat TEMAKUNG,.
- b. Prade taru tan larangan Desa Adat TEMAKUNG naler kadanda antuk 10 kg beras.
- c. Rikala Desa Adat TEMAKUNG, jagi pacang mekarya mapawangun wenang ngemargiang alangan sewidangan Desa Adat TEMAKUNG.

Raping 3

Wewangunan

Pawos 42

- 1) Sehanan warga Desa TEMAKUNG, tan kapatutang makarya wewangunan ngungkulin pakarangan anak siosan, yan memurug wenang wewangunan inucap kaured.
- 2) Yening pacang makarya rurung linggah nyane wantah adepa agung, adepa belah, adepa.
- 3) Linggah rurung inucap ring ajeng manut peparuman sang pacang ngangge rurung punika meharep ring sang madruwe tanah sane pacang kaanggen rurung.
- 4) Tan kapatutang ngenahang barang padruwen, ring margi utawi rurung Desa Adat TEMAKUNG lintangan ring kalih rahine, yan mamurug kedanda 2 kg beras.
- 5) Sahananing margi sane wenten ring wawengkon Desa Adat TEMAKUNG kapatut taler polih pitulung pamiara keasrian saking i krama Desa Adat TEMAKUNG, pinaka penyanggra i krama Desa Adat TEMAKUNG marep ring Guru wisesa.

- 6) Tan wenang ngewentenang sajroning kekuwub ring margi.
- 7) Yen wenten kekayon sane naonin margi utawi rurung sane sinanggeh pacang ngerawuhang baya wiadin penyelingkad pamargi, wenang kekayonan punika kasepat gantung, sane ngelintang katebteb.

Raping 4

Wewalungan

Pawos 43

- 1) Sehanan warga Desa Adat TEMAKUNG mamiara wewalungan, patut sayaga nitenin wewalungannya minekadi: negul, ngelogor mangde tan ngerusakin karang utawi pabianan krama siosan. Prade wenten wewalungan malumbar utawi galak nyantos ngerusakin pekarangan utawi pabiyanan risampune kapalungguhang, utawi kesadokang ring prajuru Desa Adat TEMAKUNG,. 1 Prajuru wenang mapidanda sang madruwe walungan inucap 10 kg beras tur kapatutang keni penebus sane karusakang.
- 2) Tan kewenang ngangon utawi negulang wewalungan ring genah-genah sekadi ring sor
 - a. Kahyangan lan pekarangan wewangunan Banjar.
 - b. Margi agung, rurung ring Desa.
 - c. Pekarangan Desa lan telajakannia.
 - d. Setra.
- 3) Yening mamurug sang Sane nruwenang wewalungan inucap patut keni pamidanda luih ipun

1. Banteng Ian sato ageng suku pat 3 kg beras.

Kaping 5

Indik Baya

Pawos 44

- 1) Sane kasinanggeh panca baya luwire:
 - a. Jiwa baya : keamuk, kebaak.
 - b. Arta baya :kepandangan.
 - c. Geni baya : puun.
 - d. Bayi baya : angin lilus.
 - e. Toya baya : gentuh/belabar

Pawos 45

Sang sapasiara I Krama Desa Adat TEMAKUNG sane manggihin sehanan panca baya wenang metulungan utawi nyuarayang kulkul wiadin atur supeksa ring prajuru Desa Adat TEMAKUNG.

Pawos 46

Yan pacang maseserep utawi ngeledahin ritatkala kamalingan arta brana muah sane tiosan, patut nunas penguak dumun ring sang wenang, utawi ring Klian Desa Adat TEMAKUNG.

Pawos 47

- 1) Sehananing wong melaksana dusta, wenang katur ring sang wenang.
- 2) Yan dusta punika keni keejuk patut katur ring Guru Wisesa.
- 3) Yan wenten wong parusia patut keni pamidanda banten pemerayascita.

Raping 6

Penyanggran Banjar

Pawos 48

- 1) Yening sinalih tunggil wenten i krama Desa Adat TEMAKUNG ngawentenang yadnya, ala utawi yadnya ayu patut kasanggra olih i krama banjar utawi manut ring daging awig-awig Banjar.

SARGA IV

SUKERTA TATA AGAMA

Palet 1

Dewa Yadnya

Pawos 49

- 1) Luwire pura-pura sane wenten ring Desa Adat TEMAKUNG inggih punika:
 - a. Pura Paruman.
 - b. Pura Desa
 - c. Pura Kahyangan Tiga.
 1. Pura Puseh.
 2. Pura Balai Agung.
 3. Pura Dalem Gde
 4. Pura Dalem Buitan
 5. Pura Dalem Pangungangan
 - d. Pura Pedadian utawi Paibon minekadi:
 1. Pura Dadia Kayu Selem.
 2. Pura Dadia Dalem Tarukan
 3. Pura Dadia Dukuh Bhujangga Sakti.
 4. Pura Dadia Pasek Gelgel.
 5. Pura Dadia Dalem Kubakal
 6. Pura Dadia Dalem Sakti Saraswati
 7. Pura Dadia Pasek Gelgel Pegatepan
 8. Pura Dadia Pasek Bali Mula
 9. Pura Dadia Kayu Selam

10. Pura Dadia Dukuh Sakti

- e. Pura Pesucian.
- f. Pura Pemaksan:
 - 1. Pura Pucak Sari
 - 2. Pura Pemaksan Agung.

1) Puja wali ring pura-pura inucap:

- a. Pura Paruman : Ring Purnama Kapat.
- b. Pura Desa : Ring Anggara Kasih Julungwangi
- c. Pura Kahyangan Tiga
 - 1. Pura Puseh : Ring Purnama Kapat
 - 2. Pura Balai Agung : Ring Weraspati Wage Sungsang/
(Sugian Jawa)
 - 3. Pura Dalem Gede : Ring Purnama Sasih Katiga.
 - 4. Pura Dalem Buitan : Ring Purnama Sasih Katiga
 - 5. Pura Dalem Pengungangan : Ring Tileming sasih Sadha.
 - 6. Pura Catus Pata : Ring Tilem Sasih Kesanga

c. Pura Pedadian utawi Pura Paibon:

- 1 Pura Kayu Selem : Ring Anggar Kasih Parangbakat lan
Sugian Bali.
- 2. Pura Kayu Selem : Ring Purnama Kedasa lan
Anggara Kasih Tambir
- 3. Pura Dukuh Bujangga Sakti : Ring Redite Manis Kuningan.
- 4. Pura Pasek Gelgel : Ring Anggar Kasih Medangsia
- 5. Pura Gelgel Pegatepan : Ring Sugian Bali Lan
Tumpek kuningan.
- 6. Pura Dalem Kubakal : Ring Buda Kliwon Matal
- 7 . Pura Dalem Tarukan : Ring Buda Kliwon Pahang
- 8. Pura Pasek Bali Mula : Ring Saniscara Kliwon Krulut
- 9.Pura Dalem Saraswati : Ring Saniscara Manis Watugunung

- | | |
|--------------------------|------------------------|
| 10. Pura Dukuh Pingit | : Ring Purnama Kepitu |
| d. Pura Pesucian | : Ring Purnama Kedasa. |
| e. Pura Pemaksan | |
| 1 Pura Pucak Sari | : Ring Purnama Katiga. |
| 2. Pura Pemaksan Agung | : Ring Purnama Kedasa. |
| f. Pura Pesanggrahan | : Ring Purnama Kapat. |
| 1. Ngaci ring Pura Puseh | : Ring Purnama Kapat. |
| - Ngusabe kelima | : Ring Purnama Kelima |
| - Ngayu-ayu | : Ring Purnama Kapat. |
| - Saba Gede | : Ring Purnama Ketiga. |

(3) Pengemong mwang Pangemponia:

Pura Kahyangan Tiga:

- a. Pura Puseh, Pura Bale Agung, lan Pura Dalem, Yadnya utawi pewangunannia keamong utawi keempon olih i krama Desa Adat lan Banjar Adat TEMAKUNG.
- b. Pura-pura sane tiyosan ring ajeng kesungsung utawi kaempon antuk wargannyane sowang-sowang.

Pawos 50

Ring sowang-sowang pura sawewengkoning Desa Adat TEMAKUNG wenang kewentenang pemangku sane pacang ngenterang utawi nuntun sehananing yadnya/pengastawan ring pura inucap.

- a. Wiwitania sang dados pemangku:
 1. Mawiwit saking keturunan pemangku.
 2. Yan tan wenten saking keturunan pemangku wenang nyanjan.
 3. Sang cedangga tan wenang dados pemangku.
 4. Pawintenannia kepuputang olih Ida Sang Sulinggih.

5. Kepastikayang antuk prajuru Desa Adat TEMAKUNG
- b. Sesampun pawintenannia wenang ngerangsuk gegelaran pemangku patut kaping singgih manut wigunannia ngemargiang swadarmaning dados pemangku tur tan ngelempasin linggih sastra lan agama.

Pawos 51

Swadarmaning Pemangku:

- a. Ngenterang wiadin ngastawayang sehananing upakara/upacara ring pura ritatkala ngewentenang yadnya.
- b. Ngaturang pesucian ritatkala purnama tilem lan Prerahinan Ida
- c. Pemangku desa wenang nyiratin tirta ring kerama desa.
- d. Pemangku paibon wenang nyiratin tirta ring kerama Desa Adat TEMAKUNG (manut dudonan)

Pawos 52

- 1) Ritatkala ngenter Yadnya ring pura desa. pemangku inucap patut:
 - a. Polih pangerembe saking pemangku Kahyangan Tiga;
 - b. Yogya niwakin pituduh ring mangku sanak Ian marep ring kerama desa.
- 2) Yan perade pemangku sane marep keni pialang dados kemargiang olih pemangku desa sane siwosan utawi yogya sang sulinggih (Pedanda).
- 3) Yan wenten pemangku keni ujar ala, miwah ulah ala pemangku inucap patut keprascita manut agama, sang maweh ujar ala Ian ulah ala wenang keni pamidanda upakara prebeya Prayascita inucap ring ajeng.
- 4) Yan mabukti pemangku melaksana corah yogya kausanang dados Pemangku.

Pawos 53

Olih-olihan pemangku luwire:

- a. Pioli-olihan saking sarin canang;
- b. Keupakara antuk desa indik pengupakara pawintenannia Ian pamerascita sajawining sane munggah ring pawos 55 wiwit (3);
- c. Riwekas antuk desa tur pemargin upakarania pengabenania kalaksanayang ring pepatusan sane ngawidangin.

Pawos 54

Sahananing aturan utawi sesangi, patut medaging sesari aturan arta mule-mule miwah sakeluwirnia patut kadue antuk pura inucap:

- a. Sahanan sang sane maturan punia ring pura inucap patut mesadok ring Klian pura inucap, wus keastawang ring pemangku aturang inucap.
- b. Sasarin canang keepah dados 4 (petang) bagian:
 1. Kalih pempatan ngeranjing ke pura.
 2. Apempatan dados olih-olihan pemangku.
 3. Apempatan ngeranjing ke Parisada.
- c. Punia rateng dados olih-olihan pemangku sane mentah katur ke desa/pura.

Pawos 55

- 1) Ngentosin pemangku mawiwit sekadi ring sor
 - a. Jero Mangku sampun seda;
 - b. Jero Mangku keusanang melarapan melaksana dusta.
- 2) Yan pemangku keusanang sangkaning melaksana dusta, pemangku inucap patut ngawaliang sehananing druwen desa kegambel.
- 3) Perade Jero Mangku ngalap rabi sangkaning rahayu, pemangku patut malih nyepuhin raga.

Pawos 56

Kasukertan Kahyangan kadi ring sor

- a. Sane tan lugra ngeranjing ke pura Desa Adat TEMAKUNG:
 - 1 Sang kasinanggeh cuntaka/sebel.
 2. Mabusana sane tan patut manut tata susila lan agama.
 3. Sahananing tan kepatutang manut perarem.
- b. Sahananing peretingkah lan laksana sane tan dados ring pura:
 - 1 Mesumpah utawi nahap cor sejawaning sangkan pituduh saking prajuru;
 2. Merebat lan wakparusia;
- c. Yan kebuaktiang wenten kerama sinalih tunggil melaksana sane kebawos ngelethin kadi ucap ring ajeng keni pemedanda pemrascita wiadin danda beras 5 kg.
- d. Yan Kahyangan inucap ring ajeng keni kadurmenggalan kadi ring sor:

Panca baya, Sehanan wangke sato ageng, wangkening manusa, patut pemangku digelis nyadokang ring prajuru, mangda marumang kerama Desa Adat TEMAKUNG, pacang ngawentenang pengerisak pengupakara sepatutnya, manut penugrahan Sang Sulinggih (Pedanda);
- d. Yan wenten jantos ngrusak ring pura, jatma inucap patut mecikang sehananing sane rusak tur ngaturang penyangaskara.

Pawos 57

Pengaci ring Kahyangan Tiga, inucap ngemargiang rerampegan manut sane keni, tanah ring wewidangan Desa Adai TEMAKUNG.

1. Rikala Ngusaba Agung ring Kahyangan Tiga, sane keni rerampegan kadi munggah ring sor'
 - a. Sane asukat keni rerampegan kelapa apuun, aijeng.

- b. Perade tan wenten medaging wit kelapa kengin wit pisang kalih sane tiosan;
2. Pengaci ngayu-ayu dados ngemargiang rerampegan kadi munggah ring sor
 - a. Tanah sane mepayahan desa, keni salaran kelapa kemawon manut dresta.
3. Rikala ngemargiang aci Ngusaba Kelime kerama Adat utawi banjar keni sanganan putih sareng sanganan barak, soang-soang beras I kg yan mamurug keni danda 4 kg beras.
4. Rikala ngemargiang Aci Ngusaba Dalem, kerama Adat TEMAKUNG utawi Banjar keni urunan manut pararem, utawi tanah payahan desa keduwe antuk wong jaba desa utawi jaba kuta keni jinah , kesarengin salaran kelapa manut dresta.
5. Rikala ngemargiang Aci ring Kahyangan Tiga, saya desa numbas wewalungan ring krama desa mewasta wewalungan punika kaadol ring anak tios, i krama keni pimidanda 20 kg beras, utawi saya desa adat ngewangdeang walungan kadi munggah ring ajeng i saya keni pamidanda kehnya 20 kg beras.

Pawos 58

Rikala mecikang pura ring Kahyangan Tiga dados ngemargiang rerampagan taru, minakadi:

- Taru nangka
- Cempaka
- Wit Kelapa
- Tiyang
- Wit Jambe
- Taru Kelampauk, juwet, pangih, kengin anggen mecikang pura.

Sinalih tunggil tanah I Krama Desa Adat TEMAKUNG utawi tanah wong jaba desa sane mepayahan desa, yen ten keicen ngerampag, keni pimidanda manut pengargaan taru inucap.

Palet2

Indik Resi Yadnya

Pawos 59

Sang madruwe yadnya kapatut ngaturang punia ring sang sane muput yadnyane.

Pawos 60

Prajuru Desa Adat TEMAKUNG patut ngawas tur ngayomin, mialangin yan wenten mapemargi ngelantudin pemargi yadnyane.

Pawos .61

1. Krama Desa Adat TEMAKUNG patut ngawas, nitenin katuntunin antuk prajuru mangda sahanan yadnyane sane ngawentenang kaicen pamuput olih sang Sulinggih utawi sang sujana (Mangku, Dalang, Sakeluir) manut kawenangania soang-soang.
2. Prajuru patut nuntun lan manggala krama Desa Adat TEMAKUNG ngawas, nitenin sapemargi wikune ring wewidangania, pamekas mikukuhin kasucian linggih Ida.
3. Ngaturin Sang muput dana punia manut agung/alit yadnyane.

Palet 3

Indik Pitra Yadnya

Pawos 62

1. Pamargin Pitra Yadnya madudonan manut sekadi ring sor
 - a. Pengupakaraan sang layon:
 1. Mendem utawi ngeseng maka cihna pakinsan ring Ibu Pertiwi utawi ring geni;

2. Atiwa-tiwa lantur kaabenang tur saha kadadosang risampun ketus untu lan parade durung ketus untu, ngawit saking yusa 3 (tigang) sasih patut kaabenang ngelungguh:
- (2) Yan wenten upakara ngeroras tan dados sinalih lunggil krama sane nyarengin rahina punika sekadi pacang ngaben rikala kerama rihinan ngawentenang upakara ngeroras, yan wenten sane murug kadanda.

Pawos 63

Swadarmaning Ian tategenan parade wenten sinalih tunggil krama kelayuan

- a. Sang kaduhkitaan patut:\
 - 1 Nyadokang ring Prajuru Desa Adat TEMAKUNG;
 2. Nyadokang ring krama banjar parade kapendem utawi keabenang.
- b. Swadarmaning Desa Adat/Banjar TEMAKUNG
 1. Nepak Kulkul;
 2. Penyanggran i krama banjar selanturnia:
 - a. Soang-soang kerama tedunin patus.
 - b. Krama Banjar lanang istri ngambil karya manut dresta miwah ngaremba rikala pangutangan saha soang-soang mabusana adat salia nyalempot.
 - c. Pamargin sawa miwah upakarane mangda dabdab antar
- c. Yan sawane jantos maleletan tan kengin langkungan ring tigang rahina, yan langkung patut kakingsanang wiadin mapendem ring geni.

Pawos 64

- 1) Indik mendem sawa yan rikala rahina nyejer, rahina larangan desa nenten kengin mendem, sawane patut kakingsanang ring tanah setrane jantos rahina kengin mendem, yan kapurug kadenda.
- 2) Rahina sane kainucap larangan mendem sawa:
 - a. Purwani/pinanggal/Pangglong ping 14 (empat belas).
 - b. Purnama,

- c. Tilem
 - d. pinanggal/Pangglong apisan,
 - e. Semut Sedulur
 - f. Kala Gotongan,
 - g. Pasah/busaya.
- 3) Yan rikala aci / ngusaba ring Pura Pusch, Dalem, Pura Desa yadin rikala wenten ngaturang karya/dewa yadnya ring Pura Pemaksan, Pedarman sang pacang ngaturang karya patut ngaturang/ngawentenang atur ring Klian Desa Adat TEMAKUNG/Prajuru, yan sampun wenten atur saking prajuru yan wenten sinalih tunggil krama desa pacang ngeseng sawa/ngaben tan kalugrain antuk prajuru yan kapurug kadenda.

Pawos 65

- 1) Yan prade lampus sangkaning salah/ngulah pati kapenggawan Ian sapanunggilan kengin kabakta budal tur kapreteka kadi patutnia, risampun kamanggala antuk upakara banten penebusan Ian pengulap.
- 2) Prade wenten sang istri lampus ngadut manik patut kapendem, nanging garbania katetehin antuk watu.
- 3) Prade Sehanan wong lampus sajroning pekarangan, tegalan, carik Ian sapanunggilan patut sang madruwe sawa mrascita genah inucap.

Pawos 66

- 1) Mungguhing kecuntakan, sang madruwe layon kacuntakan asasih pitung rahina.
- 2) Tan keneng kacuntakan:
 - a. Sang sulinggih;
 - b. Pemangku Kahyangan Tiga sane nenteh sebel karang.

Pawos 67

- 1) Atiwa-tiwa utawi pengabenan wenten kalih pawos:
 - a. Nyawa Resi, Nyuasta geni;

- 2) Dudonan pengabenan, ngaskara antuk ngagah utawi nyawa resi pangutangan antuk ngeseng sawa pangalihan mwah selanturnya, nyekah/mamukur

Pawos 68

- 1) Pemargin pengabenan wenten tigang soroh luwire:
 - a. Ngaben dadakan antuk prebeya mwah pangemong yadnya manut dresta;
 - b. Ngaben manca padewasan kwastanin ngaben nauka, nyabran 5 (limang) warsa apisan, prabeya mwah pangaremba manut dresta;
 - c. Ngaben ngerit nyabran 5 (limang) warsa apisan kasanggra antuk krama Desa Adat TEMAKUNGF manut dresta, pengambilan upakara punika nista, madya lan utama manut sastra agama.

Pawos 69

Bacakan sawa sane dados kaabenang:

- a. Sane sampun mayusa apupak, sane kabawos tan letuh.
- b. Sane durung apupak kepatut ngelungah.
- c. Sawa sane kebawos letuh wenang keabenang riwus sengkernia tur keprascita manut sekadi kecaping agama.

Palet 4

Indik Manusa Yadnya

Pawos 70

- 1) Sang pacang mapodgala madwijati, sajawaning nunas panugrahan ring sang wenang (Parisada utawi Kantor Departemen Agama) taler patut masadok ring prajuru Desa Adat TEMAKUNG.

- 2) Prajuru inucap sareng nitenin, nureksa mangda suluh miwah pemargine jati-jati manut ring kecaping agama.
- 3) Sesampune puput padwijatine prajuru Desa Adat TEMAKUNG patut digelis ngentosin pasengan sang didiksain ring sahanan ilikita antuk biseka kawikon manut panugrahan nabene sane kasiarang ring paruman Desa Adat TEMAKUNG.

Palet 5

Indik Buta Yadnya

Pawos 71

- 1) Buta Yadnya inggih punika pabeyakalan ring Ibu Pertiwi lan Kahyangan ring sarwa prani mwah ring sarwa bebutan.
- 2) Upakara-upakara pabeyakalan ring ibu pertiwi mwah ring kahyangan desa lan ring bebutan kewastanin macaru.
- 3) Pacaruan inucap, utama, madya lan nista manut wiguna kadi ring sor
 - a. Ekasata,
 - b. Pancasata,
 - c. Resigana,
 - d. Pancakelud,
 - e. Pancasanak,
 - f. Taur Kesanga.

Pawos 72

Upakara sekadi ring sor

- 1) Majeng ring Ida Batara patut:
 - a. Ring pantaraning tanggal ping solas gantos panglong ping lima nemu kajeng sasih Kapat, batara melelasti ka Segara nyejer ring Pura Puseh tigang rahina.

SARGA V

SUKERTAN TATA PAWONGAN

Palet 1

Indik Pawiwahan

Pawos 73

- 1) Pawiwahan inggih punika patemoning purusa lawan pradana sakala panunggalan kayun suka cita kadulurin upasaksi sekala lawan niskala.
- 2) Pemargin pawiwahan luwire:
 - a. Mapadik,
 - b. Ngarorod/rangkat.
- 3) Pidabdab sang merabian patut:
 - a. Nganutin yusa sakirangnia sampun munggah deha teruna (nganutin undang-undang Perkawinan).
 - b. Sangkaning pada rena.
 - c. Manut kecaping agama,
 - d. Para pengambilan seosing agama kamanggala antuk upakara luwire: Mebyakaonan, Nyambutin, Kepus Ari-ari, tutug kambuhan, abulan pitung dina ,telu bulanan lan me otonan.
- 4) Pemargin pawiwahan inucap manutin Awig-awig Desa Adat TEMAKUNG Ian Sukertan jagat/ sang amawarat.
- 5) Pamargin pawiwahan sumangdene prasida kalaksanayang, patut kesaksinin olih prajuru.

Pawos 74

- 1) Pemargin indik pepadikan:
 - a. Makruna ping tiga luwire: Mesedek, Medarma swaka lan Mejejauman;

- b. Ritakala pengambilan, wargan sang predana lan purusa ngerawuhang Klian Adat, pinaka saksi.
- 2) Prade merangkat utawi ngerorod, sang sane ngerangkatan anak. istri patut ngemargiang sekadi ring sor
 - a. Mapejati, tan kasepan ring arahina awengi..
- 3) Wus Pengambilan, yan sampun puput, wiadin semeton sang istri sampun kawehin antuk bendesa Adat TEMAKUNG, sejawaning Bendesa Adat tan wenten.
- 4) Yan sampun ping tiga makruna pangelukunnia durung puput dados sang ngambil rabi nunas pemuput ring Amawerat.
- 5) Yan wenten krama merabian lintangan ring tigang sasih durung keupakara sanistania semayut paturon manut Agama Hindu patut kapidanda 15 kg beras selantur ipun upacarannia patut kemargiang.

Pawos 75

- 1) Sang kaicalan pianak istri, yan durung wenten pejati sajroning arahina ring awengi, yogya digelis mesadok ring Klian Desa Adat TEMAKUNG,, nunas pamitulung pacang masaserep.
- 2) I Klian Desa Adat TEMAKUNG patut ngenterang pemargin maseserep tur mangda nganutin tata kramaning desa Adat TEMAKUNG.
- 3) Paseserep patut sampun polih panugrahan I Klian Desa Adat.TEMAKUNG.
- 4) Parade wenten anak dehe bobot nenten kesakapan antuk anak lanang sane mobotin, bobotan inucap patut kesakapang olih sang bobot antuk keris wiadin sane siosan, ngadegang anake lanang sane mobotin yan sang bobot tan presida ngupacarain patut upakara inucap keprebea oleh Desa Adat TEMAKUNG.

Pawos 76

- 1) Manut ring Undang-undang No. 1 tahun 1974 sane sampun kasungkemin, sang lanang patut merabi asiki, sajawaning wenten pasubayan sane kawehin antuk rabiné pinih rihin.
- 2) Yan wenten anak dehe kebobotin antuk anak trune, Prajuru Desa Adat TEMAKUNG patut nyakapang ring anake truna inucap, yan tan tinut sang kebobotin patut ngaturang wicarannia ring sang Amawerat, prade pmutuse pateh sang lanang keni danda 100 kg beras.
- 3) Yan anak dehe inucap kebobotin antuk sang lanang sampun meduwe rabi, sang Lanang patut Bertanggung Jawab, yen ten sang Lanang keni Pamidanda 200 kg beras ,Keranjingang ring Desa Adat TEMAKUNG.

Palet 2

Indik Nyapian

Pawos 77

- 1) Sang wusan merabian (palas) tan sida satinut alaki rabi kebawos nyapian, yan wusan merabian sangkaning seda kebawos balu.
- 2) Sang pacang nyapian sesampune kesahang antuk sang Amawerat wenang kawedarang ring banjar utawi ring desa antuk I Klian Adat TEMAKUNG.

Pawos 78

Yan riwekas sang palas adung malih patut mawiwahan, tur keni pamidanda 100 kg beras.

Pawos 79

- 1) Balu luh katinggal lampus antuk rabinia patut ngemargiang swadarma kadi ring sor
 - a. Ngemanggehang patibrata
 - b. Ngemargiang sehananing ayah krama;
 - c. Ngeraksa tur ngutsahayang lan miara sahananing wewarisan Ian sentanania;
 - d. Tan dados ngadol vwewarisan sedurunge polih panugrahan saking kluwargan rabine saking purusa.
- 2) Balu dados kepalasang prade luwire:
 - a. Tan ngemanggehan patibratane;
 - b. Metilar tan mesadok ngantos langkung tigang sasih.
- 3) Balu sane tan pageh kadi inucap ring ajeng, wenang kepalasang olih warga purusa saha tan polih pahpahan warisan tur polih pengesahan saking sang Amawerat.

Palet 5

Indik Sentane

Pawos 80

- 1) Mungguwing sentana wenten kaucap: preti sentane lan sentane peperasan.
- 2) Yan wenten perabian sane tan patut jantos ngewetuang sentana, mangda tan kaucap bebinjat yogya kemenggala antuk upakara.
- 3) Prade pawiwahan tan ngawetuang sentane, kening ngangkat sentana meduluran upasaksi sekala niskala, sane kwastanin sentana peperasan saha polih pengesahan saking Prajuru Desa Adat TEMAKUNG lan sang Amawerat

Pawos 81

- 1) Sapasira ugi pacang ngangkat sentana patut masadok dumun ring Prajuru Desa Adat TEMAKUNG.

- 2) Yaning wenten sinalih tunggil i krama Desa Adat TEMAKUNG, jagi ngangkat sentana kepatut ngemargiang upakara peperasan saha kesaksian sekala lan niskala saha polih pengesahan saking sang Amawerat;
- 3) Prajuru digelis nyiarang ring I karma desa Adat TEMAKUNG, sang rumasa tan lila patut nyadokang sakeng prajuru adat TEMAKUNG, sejroning 3 (tigang) sasih;
- 4) Yening sampun rauh sengker ipun sane tigang sasih, irika prajuru mawosin utawi ngicenin pamatut manut sekadi kawentaenania melarapan saking pengesahan ring sang Amawerat.

Pawos 82

- (1) Sane patut keperas anggen sentana kadi ring sor
 - a. Sang keperas kapatut sane megama Hindu.
 - b. Mautama saking waris pancer purusa.
 - c. Sinalih tunggil mawiwit saking keluarga tunggal sanggah utawi merajan. paibon Ian dadia.
 - d. Yening tan wenten saking pancer kapurusa kengin mawiwit saking keluarga wadu.
- (2) Peperasan punika sinanggeh sampun puput tur patut macihna
 - a. Pawidhi-widhanaan peperasan.
 - b. Kesaksiang antuk Klian Desa Adat TEMAKUNG, saha kasiarang ring paruman desa.
 - c. Wenten ilakita ungguhan tata titi peperasan saking sang Amawarat.
- (3) Yening jagi ngawentenang peperasan kepatutang sang ngidih nyelosin.

Palet 4

Indik Warisan

Pawos 83

- 1) Sane kasinanggeh warisan, inggih punika: tetamian arta brana saha ayah-ayahan ngupadi sukerta sekala niskala saking keluhurania, arep ring lurunannya.
- 2) Sane kaucap warisan luwire:
 - a. Duwen tengah, karang paumahan, pemerajan.
 - b. Pagunakayaan, tatadan, jiwadana, lan utang piutang.
 - c. Tetegenan utawi ayah-ayahan merupa warisan.
- 3) Sane kebawos waris inggih punika:
 - a. Preti sentana lanang.
 - b. Sentana rajeg sane keadegang purusa.
 - c. Sentana peperasan.

Pawos 84

- 1) Swadarmaning waris patut nerima saha ngutsahayang tetamian ayah-ayahan saking keluhurania makadi ngerembe sanggah, pura dadia Pura Kahyangan saha pekarangania.
- 2) Ngabenang sang kewaris.
- 3) Naurin utang-utang sang kewaris pamekas utang ring desa wiadin ring pura lan utang-utang sane siosan.

Pawos 85

- 1) Pengepahan warisan kangkat kemargiang sekadi ring sor
 - a. Risampun ngelaksanayang pengabenan lan utang-piulang sang kewaris sampun sami ketawur.
 - b. Warisan sangkaning arta brana pagunakayaan kaepah pada. Karang ayahan desa keamong antuk waris kang sinanggeh pinih arep.
- 2) Sane kangkat muponin olih-oiihan kemawon:
 - a. Balu luh sejroning manggeh magenah jumah.

- 3) Sekantune pewaris lanang maurip kangkat ngewehin jiwa dana tatadan utawi bekel maka cihna paweweh ring pianake sane kesah mawibawa.

Pawos 86

Prade sajroning keluarga wenten waris langkung ring adiri patut:

- a. Kawentenang paiguman indik padum waris inucap.
- b. Yening tan prasida kapuputang ketunasang tetimbang ring Klian Desa Adat TEMAKUNG, kengin nunasang ring sang rumawos.

Pawos 87

Prade wenten karang kapuputang wenang I Klian Desa Adat TEMAKUNG utawi Kerta Desa Adat TEMAKUNG mawosin tur nureksa sila-silanya saha nibakang karang punika ring.

- a. Waris saking kapurusa.
- b. Peperasaan kesamping, yaning tan wenten Peperasaan kepatutang ring pedadiaan nganutin dudonan,
- c. Yening tan wenten kadi kecaping arep, wawu kengin katiwakang ring sang tan madrebe tanah paumahan, sane kasinanggeh krama ngarep, mapatunggalan Desa Adat TEMAKUNG muah meagama Hindu. Yan sang ninggalang karang putung tan meduwe waris wenang I Desa Adat TEMAKUNG ngabenang tur arta brana sang keabenang wenang kedruwe antuk I desa.

SARGA VI

WICARA LAN PAMIDANDA

Palet 1

Indik Wicara

Pawos 88

- 1) Sane patut mutusang wicara ring Desa Adat TEMAKUNG inggih punika sang kasinanggeh Prajuru Desa Adat TEMAKUNG.
- 2) Sang patut maosin nganutin daging awig-awig, wicara punika patut polih pamutus saking sangkepan Desa.
- 3) Prade indik wicara tan prasida molihing pamutus saking desa yoga katur ring sang Amawerat.

Pawos 89

- 1) Sehananing wicara sane ngawetuang laksana corah, baya sane kebawos ngusak-asik Banjar wiadin Desa Adat TEMAKUNG, patut katur ring sang Amawerat.

Palet 2

Indik Pamidanda

Pawos 90

- 1) Banjar utawi Desa Adat TEMAKUNG wenang nibakang pamidanda ring krama sane sisip.
- 2) Indik patiwak pamidanda patut kelaksanayang olih Klian Banjar Klian Desa Adat TEMAKUNG
 - a. Pamidanda siwosan luwire:
 1. Ayah-ayahan panukun kasisipan.
 2. Danda arta (dedosan saha panikel panikelnya utawi panikel paturunan).
 3. Pengupakara lan pengaskara.
 4. Rerampasan (melelang)
 5. Kesepekang.

- 3) Malih indik jinah utawi arta brana saking pamidanda kasinanggeh druwen banjar wiadin druwen Desa Adat TEMAKUNG.
- 4) Sehananing tetegenan warga desa ring Guru Wisesa patut kesanggra ngrajegang Guru Wisesa minakadi.
 - a. Naur sehananing upeti
 - b. Ngemargiang sehananing warah-warah miwah sane siosan-siosan. Yan mamurug kedanda 2 kg beras.

Pawos 91

- 1) Tata laksanaan ngelaksanayang pelelangan manut ring sor
 - a. Sadurung ngelaksanayang rerampagan patut I Klian Banjar utawi I Klian Adat TEMAKUNG mesadok ring sang sane kerampag.
 - b. Pemargin rerampagan kelaksanayang olih I Klian Adat TEMAKUNG. kesarengin olih Krama Adat sami pinaka saksi lan ngeremba sareng sang pacang ke rampag
 - c. Sang ngerampag mangda sangkaning darsana ngambil druwen sang kerampag utawi nyawenin tanem tuwuh seakehnya manut ring utang sang kerampag.
 - d. Rerampagan kemanggehang ring ilekita tur kesaksiang.
 - e. Klian Banjar utawi Klain Desa Adat TEMAKUNG miteketin sang kerampag mangda digelis nebus sedurung waneng manut ring perareman.
 - f. Yan tan side ketebus olih sang kerampag sajroning waneng punika pedruwennya wenang kelelang olih I Klian Banjar utawi Klian Desa Adat TEMAKUNG..
 - g. Jinah lelangan punika keanggen nuku utangnya ring banjar utawi ring Desa Adat tur kewewehin antuk prebea rerampagan, sisanya kewaliang ring sang kerampag.

2) Sane wenang kerampag wantah barang merupa kesugian.

Yan sang kerampag mialangin rerampagan inucap macihna tan nganutin Awig-awig Desa Adat lan patitis Desa, lempas swadharmaning krama wong inucap wenang kedaut druwe lan ayahannya, antuk krama Banjar wong inucap kebawos nora nyenglad tur tan polih pengayom krama banjar

3) Pemandanda sisip kadi ring ajeng preside purna yan sang sisip sampun:

- a. Matur piuning tur nunas pangampura ring krama adat mejalaran antuk banten pejati katur ring Pura Desa.
- b. Nunas geng sinampura ring krama banjar utawi ring Kliyan Desa Adat TEMAKUNG, riantuk purun nguak pasubaya utawi pasuara ring perareman.
- c. Nawur pamidanda:
- d. Nawur utangnya duk kerampag tur mapaweweh apali dasaan, wang inucap mewali katerima sekadi krama Banjar widain Desa Adat TEMAKUNG.

SARGA VII

NGUWAH KALIH NGUWUHIN AWIG-AWIG

Pawos 92

- 1) Nguwah kalih nguwuhin Avvig-awig punika patut kelaksanayang antuk perareman Krama Desa Adat TEMAKUNG.
- 2) Perareman inucap patut melarapan kayun gilik saguluk ngulati kerahajengan.
- 3) Pemutus kesinanggeh sah sesampun polih pemutus saking krama Banjar wiadin Krama Desa Adat TEMAKUNG.

SARGA VIII

PEMUPUT

Pawos 93

- 1) Awig-awig puniki kewastanin Awig-awig Desa Adat TEMAKUNG.

- 2) Awig-awig puniki kemargiang ngawit saking kararemin antuk Krama Desa Adat TEMAKUNG.
- 3) Awig-awig Desa Adat TEMAKUNG puniki manggeh kalih kelaksanayang ring wewidangan Desa Adat TEMAKUNG.
- 4) Awig-awig Desa Adat puniki ngeninin sehananing warga lan krama Desa Adat TEMAKUNG lan sehanan kakuwub antuk Desa Adat TEMAKUNG.

Pawos 94

Seluiring pemargin pakraman sane durung kebawos utawi durung munggah ring ajeng sajroning Awig-awig puniki manggeh kelaksanayang manut dresta sane sampun ketah memargi, kadulurin antuk pasuara utawi perareman.

Pawos 95

1. Awig-awig puniki keraremin duk rahina paruman Krama Desa Adat TEMAKUNG nemu rahina Buda Kliwon, (Hari Rabu tanggal 28 Juli 2021).

Luwir sang ngalingga tanganin

- a. Kapertama Prajuru Adat Temakung :

Kelian Desa Adat Temakung




I Wayan Ranta

Petajuh



I Ketut Naim

Penyarikan




I Wayan Tiling

Petengen



I Ketut Suara

Mangku Puseh



Jro Mangku Nyoman Dadi

Mangku Dalem



Jro Mangku Wayan Aget

Kelian Banjar Adat



I Nengah Ratep

Juru Tulis



I Nyoman Mudra

Ketua Kerta Desa



I Ketut Merta

Ketua Sabha Desa



I Nyoman Sukayadnya

Kapingkalih Prajuru Desa Dinas

Kepala Dusun Temakung



I Wayan Semadi

